



Na osnovu Pravilnika za dodjelu stipendija redovnim studentima („Službeni glasnik Općine Ključ“, broj: 3/24) i Odluke o visini iznosa stipendije, broju korisnika i mjesečnom iznosu stipendije studenata u akademskoj 2025/2026. godini („Službeni glasnik Općine Ključ“, broj: 4/26), Općinski načelnik Općine Ključ raspisuje

K O N K U R S

za dodjelu stipendija redovnim studentima fakulteta i visokoškolskih ustanova za akademsku 2025/2026. godinu

I

Općina Ključ raspisuje Konkurs za dodjelu stipendija redovnim studentima fakulteta i visokoškolskih ustanova od I do VI godine, odnosno prvog i drugog ciklusa studija u Bosni i Hercegovini i inostranstvu za akademsku 2025/2026. godinu.

II

Pravo na dodjelu stipendija po ovom Konkursu imaju kandidati:

- redovni studenti fakulteta i visokoškolskih ustanova od I do VI godine (odnosno prvog i drugog ciklusa studija) koji su u tekućoj akademskoj godini prvi put upisali godinu studija,
- koji nisu u statusu apsoluta,
- koji imaju prebivalište na području općine Ključ,
- koji nisu korisnici stipendija drugih pravnih subjekata ili subvencija za troškove smještaja i ishrane iz sredstava Budžeta Vlade Unsko-sanskog kantona.

Stipendija bez bodovanja dodjeljuje se:

- studentima bez oba roditelja,
- studentima čiji je prosjek ocjena iznad 9,00 i
- studentima I godine studija koji su u srednjoj školi proglašeni Učenikom generacije.

Studenti koji su absolventi, vanredni studenti, kao i studenti koji obnavljaju godinu ili su već korisnici stipendija drugih pravnih subjekata, ne mogu konkurisati za stipendiju, niti će njihove molbe biti uzete u razmatranje.

III

Visina, broj stipendija i mjesečni iznos stipendije određuju se na osnovu planiranih sredstava za tu namjenu u Budžetu Općine Ključ, što se svake godine utvrđuje posebnom Odlukom Općinskog vijeća Općine Ključ.

Stipendije se dodjeljuju za deset mjeseci akademske godine.

IV

Studenti koji su dobijali stipendije proteklih godina iz Budžeta Općine Ključ takođe podliježu ponovnom prijavljivanju na Konkurs za dodjelu stipendija.

V

Kriteriji za utvrđivanje rang-liste studenata za dodjelu stipendije su:

a) Uspjeh u učenju

Studenti I (prve) godine

Za studente prve godine bodovi će se dodjeljivati na osnovu prosječno ostvarene ocjene u srednjoj školi (od I do IV razreda i maturalnog ispita) zaokružena na dvije decimale x 3 boda. Učenicima koji su ostvarili prosjek ocjena 4,70 i više dodijelit će se dodatnih 5 bodova.

Studenti starijih godina

- prosjek ocjena 6,00 - 6,49 12 bodova
- prosjek ocjena 6,50 - 6,99 15 bodova
- prosjek ocjena 7,00 - 7,49 18 bodova
- prosjek ocjena 7,50 - 7,99 21 bod
- prosjek ocjena 8,00 - 8,49 24 boda
- prosjek ocjena 8,50 - 8,99 27 bodova

b) Materijalni i socijalni položaj

Materijalni i socijalni položaj će se bodovati na osnovu prihoda po članu domaćinstva kako slijedi:

- prihod od 0 – 99,99 KM po članu domaćinstva 30 bodova
- prihod od 100,00 – 199,99 KM po članu domaćinstva 25 bodova
- prihod od 200,00 – 299,99 KM po članu domaćinstva 20 bodova
- prihod od 300,00 – 399,99 KM po članu domaćinstva 15 bodova
- prihod od 400,00 – 499,99 KM po članu domaćinstva 10 bodova
- prihod od 500,00 – 599,99 KM po članu domaćinstva 7 bodova
- prihod od 600,00 – 699,99 KM po članu domaćinstva 5 bodova
- prihod veći od 700,00 po članu domaćinstva bez bodova

U mjesečna primanja ulaze sva primanja po osnovu plata iz radnog odnosa, primanja po osnovu penzije, prihod od poljoprivrede, invalidnina (lična i porodična), naknada po osnovu nezaposlenosti, mjesečni novčani dodatak dobitnika ratnog priznanja, prihod od autorskih prava, imovine i imovinskih prava kao i drugi prihodi koji podliježu oporezivanju.

c) Statusne povlastice

- Djeca ratnih vojnih invalida, djeca dobitnika ratnog priznanja/odlikovanja i djeca demobilisanih boraca 7 bodova
- Djeca iz porodica civilnih žrtava rata, porodica logoraša, korisnici socijalne pomoći i djeca bez roditeljskog staranja 4 boda

Kandidati imaju pravo na bodovanje samo za jednu od statusnih povlastica.

d) Godina upisanog studija

- V i VI godina studija 10 bodova
- IV godina studija 9 bodova
- III godina studija 8 bodova
- II godina studija 7 bodova
- I godina studija 6 bodova

e) Ostali kriteriji za bodovanje:

Studentu koji u svom domaćinstvu ima još učenika ili redovnih studenata dodijelit će se dodatni broj bodova i to:

- za svakog redovnog studenta u domaćinstvu po 5 bodova,
- za svakog učenika po 3 boda.

Studentima sa utvrđenim invaliditetom – tjelesnim oštećenjem, dodijelit će se dodatnih 10 bodova.

VI

Kandidati podnose zahtjev za dodjelu stipendija sa dodatnom traženom dokumentacijom Općini Ključ, u zatvorenoj koverti putem protokola Općine ili poštom na adresu: Općina Ključ, Branilaca BiH 78, sa naznakom „Prijava na Konkurs za dodjelu stipendija studentima fakulteta i visokoškolskih ustanova za akademsku 2025/2026. godinu“.

Rok za podnošenje prijave na Konkurs je 15 dana od dana objavljivanja u sredstvima javnog informisanja.

Konkurs za dodjelu stipendija objavljuje se putem Radio Ključa, web stranice Općine Ključ i oglasnih ploča Općine Ključ i mjesnih zajednica.

Uz prijavu – zahtjev za dodjelu stipendije učesnici konkursa su dužni dostaviti:

- a) Uvjerenje o prebivalištu MUP-a USK-a (CIPS) ne starije od 3 mjeseca,
- b) Ovjerena izjava podnosioca prijave da nije korisnik stipendije iz drugih izvora,
- c) Potvrda fakulteta o upisu odgovarajućeg semestra u tekućoj akademskoj godini,
- d) Za studente I godine studija svjedočanstvo svih razreda srednje škole i maturalnog ispita.
Za studente starijih godina uvjerenje fakulteta o položenim ispitima iz prethodnih godina studija sa prosjekom ocjena ili ovjerena kopija indeksa,
- e) Kućna lista ne starija od 3 mjeseca,
- f) Potvrda Biroa za zapošljavanje o privremenoj nezaposlenosti za sve nezaposlene članove domaćinstva sa kućne liste ne starija do 15 dana,
- g) Uvjerenje o prihodima ostvarenim u zadnja tri mjeseca za sve zaposlene članove domaćinstva (potvrda o plaći, penzijski ček, invalidnina iz oblasti BIZ-a i drugi dokazi o visini mjesečnog primanja lica sa kućne liste, prihod na osnovu privredne, poljoprivredne, uslužne i druge djelatnosti, dopunskog rada, imovinskih prava ili slično, kao i sva druga primanja koja podliježu oporezivanju),
- h) Uvjerenje o pripadnosti porodici ratnih vojnih invalida, dobitnika ratnog priznanja/odlikovanja i demobilisanih boraca izdato od strane Kantonalnog ministarstva za pitanje boraca i RVI - Odjeljenja BIZ-a Ključ ili Grupe za pitanje evidencija iz oblasti vojne obaveze Ključ,
- i) Uvjerenje JU „Centar za socijalni rad“ Ključ o priznavanju statusa civilne žrtve rata, korisnika socijalne pomoći ili da su djeca bez roditeljskog staranja,

- j) Uvjerenje udruženja logoraša „Omer Filipović“ Ključ o pripadnosti porodici logoraša,
- k) Dokaz da su članovi sa kućne liste učenici ili studenti,
- l) Nalaz i mišljenje Instituta za medicinsko vještačenje za studente sa utvrđenim invaliditetom – tjelesnim oštećenjem.

Dokumentacija koja se prilaže uz prijavu - zahtjev na Konkurs dostavlja se u originalu ili ovjerenj kopiji.

VII

Komisija za dodjelu stipendija dužna je razmotriti sve prispjele prijave - zahtjeve za dodjelu stipendija, utvrditi rang listu te Općinskom načelniku dostaviti prijedlog za dodjelu stipendija kao i Zapisnik o provedenom postupku za dodjelu stipendija.

Nepotpune i neblagovremene prijave neće biti uzete u razmatranje.

VIII

Odluku o izboru stipendista donosi Općinski načelnik i objavljuje se na oglasnoj ploči Općine Ključ.

Nadležna služba dužna je svim studentima koji su aplicirali na Konkurs dostaviti obavještenje o rezultatima Konkursa.

IX

Protiv Odluke Općinskog načelnika o izboru kandidata kojima se dodjeljuje stipendija, učesnici Konkursa imaju pravo podnijeti prigovor u roku od 8 dana od dana dostavljanja obavještenja o rezultatima Konkursa.

Prigovor se podnosi Komisiji za ljudska prava i razmatranje žalbi Općinskog vijeća Općine Ključ.

X

Međusobna prava, obaveze i odgovornosti između studenta korisnika stipendije i Općine će se regulisati Ugovorom o stipendiranju.

Broj: 02-34-962/26

Ključ, 22.04.2026. godine



OPĆINSKI NAČELNIK


dr. sc. Jasmin Musić